

**-UPRAVNI ODBOR-**

Broj: 02-25-2/21

Sarajevo, 28. 07. 2021. godine

Na osnovu člana 129. Zakona o visokom obrazovanju ("Sl. novine Kantona Sarajevo", broj: 33/17, 35/20 i 40/20), te člana 2. stav (4). Zakona o računovodstvu i reviziji u FBiH ("Službenim novinama Federacije Bosne i Hercegovine", broj: 15/21), kao i na osnovu člana 55. Statuta Univerziteta u Sarajevu, te člana 35. Pravilnika o popisu imovine i obaveza Univerziteta u Sarajevu, kao i člana 36. stav (1). Poslovnika o radu Upravnog odbora Univerziteta u Sarajevu, te na osnovu Odluke Upravnog odbora Univerziteta u Sarajevu o sprovođenju vanrednog popisa imovine, obaveza i potraživanja Univerziteta u Sarajevu za period januar – juni 2021. godine, broj: 02-22-2/21 od 06. 07. 2021. godine, Upravni odbor Univerziteta u Sarajevu je, na svojoj 48. elektronskoj sjednici održanoj dana 28. 07. 2021. godine, d o n i o

**ODLUKU****I**

Usvaja se Izvještaj o vanrednom popisu imovine, obaveza i potraživanja Univerziteta u Sarajevu za period januar – juni 2021. godine evidentiran pod brojem: 0101-7913/21 od 27. 07. 2021. godine, koji čini sastavni dio ove odluke.

**II**

Upravni odbor Univerziteta u Sarajevu prihvata preporuke Centralne popisne komisije Univerziteta u Sarajevu naznačene u Izvještaju iz tačke I. ove odluke.

**III**

Ova odluka stupa na snagu danom donošenja.

***Obrazloženje***

Članom 21. stav (4) i stav (5) Zakona o računovodstvu i reviziji u FBiH ("Službenim novinama Federacije Bosne i Hercegovine", broj: 15/21) utvrđena je obaveza vršenja popisa imovine, obaveza i potraživanja tokom poslovne godine i u izuzetnim slučajevima i to: promjena cijena proizvoda i robe, statusnih promjena u skladu sa propisom o privrednim društvima – spajanje, pripajanje ili dijeljenje, otvaranje stečenog postupka ili pokretanja postupka likvidacije.

Cijeneći da je Rješenjem Općinskog suda u Sarajevu o izmjenama podataka, broj: 065-0-Reg-19-002234 od 01. 07. 2021. godine izvršena izmjena podataka u sudskom registru Općinskog suda u Sarajevu, kod subjekta upisa, Univerziteta u Sarajevu, na način da su upisani podaci o pripajanju fakulteta, akademija i naučno-istraživačkih instituta čiji je osnivač Kanton Sarajevo Univerziteta u Sarajevu, čime je nastala statusna promjena i obaveza provođenja popisa imovine, obaveza i potraživanja za period od 01. 01. 2021. godine do nastupajuće promjene.

S tim u vezi, Upravni odbor Univerziteta u Sarajevu je na 7. vanrednoj sjednici održanoj 06. 07. 2021. godine donio Odluku o sprovođenju vanrednog popisa imovine, obaveza i potraživanja Univerziteta u Sarajevu za period januar – juni 2021. godine, broj: 02-22-2/21 od 06. 07. 2021. godine. Na osnovu ovlaštenja koje proizilazi iz navedene Odluke, rektor Univerziteta u Sarajevu je donio odluke kojima su imenovanje pojedinačne komisije i to:

Centralna popisna komisija Rektorata Univerziteta u Sarajevu (Odluka, br. 0101-7172-1/21 od 13. 07. 2021. godine), Komisija za popis novčanih sredstava, potraživanja i obaveza (Odluka, br. 0101-7172-3/21 od 13. 07. 2021. godine), Komisija za popis stalnih sredstava u upotrebi, sitnog inventara i autoguma u upotrebi (Odluka, br. 0101-7172-2/21 od 13. 07. 2021. godine) i Komisija za popis stanja u vanbilansnoj evidenciji i popis tuđih sredstava (Odluka br: 0101-7172-4 od 13. 07. 2021. godine).

Shodno obavezama utvrđenim u naznačenim odlukama, Centralna popisna komisija Univerziteta u Sarajevu izradila je Izvještaj o vanrednom popisu imovine, obaveza i potraživanja Univerziteta u Sarajevu za period januar – juni 2021. godine, evidentiran pod brojem: 0101-7913/21 od 27. 07. 2021. godine – (u daljem tekstu: Izvještaj).

U okviru predmetnog Izvještaja, Centralna popisna komisija je predložila poduzimanje sljedećih aktivnosti (dala preporuke), kako slijedi:

- Da se prijedlozi za otpis organizacionih jedinica Univerziteta razmatraju na godišnjem popisu za 2021. godinu integrisanog Univerziteta u Sarajevu;
- Oslonom na Mišljenje Jedinice za internu reviziju Univerziteta u Sarajevu (broj: IR-07/21) o načinu provođenja finansijske konsolidacije između fakulteta, akademija i naučno-istraživačkih instituta koji su pripojeni Univerzitetu u Sarajevu, Centralna popisna komisija predlaže da se interni odnosi vezano za Fond za razvoj Univerziteta u Sarajevu međusobno isknjiže (ponište).
- U pogledu aktuelnih sporova, Centralna popisna komisija je u konkretnim slučajevima sugerirala:
  - a) Da se predlaže Upravnom odboru Univerziteta u Sarajevu da, da saglasnost prof. dr. Fahiru Bečiću, dekanu Farmaceutskog fakulteta Univerziteta u Sarajevu za potpisivanje sporazuma o obročnom plaćanju postojećeg duga (u iznosu od 10.095.125,36 KM) sa Poreznom upravom Federacije Bosne i Hercegovine.
  - b) Da se od Filozofskog fakulteta Univerziteta u Sarajevu zahtjeva potpuna informacija i dokumentacija u vezi sa dugom naznačenim u Rješenju o dodatno utvrđenim poreskim obavezama (broj: 13/09-15-20-2376-2/14 do 13. 12. 2018. godine).
  - c) Da se shodno zaključenom Ugovoru o vansudskoj nagodbi (broj: 0101-2197 od 07. 03. 2019. godine) između Univerziteta u Sarajevu, Unis Energetike d.o.o. i KJKP Sarajevogas d.o.o. Sarajevo, na osnovu kojeg su se savnile obaveze ugovornih strana, predmetni objekat br. 29 – nova kotlovnica prenese iz vanbilansne evidencije Rektorata u bilansnu evidenciju.
- Nadalje, Centralna popisna komisija napominje da je Fakultet zdravstvenih studija dobio na korištenje Paviljon VIII i Paviljon IX JU Studentskog centra Bjelave u cilju rješavanja pitanja smještaja, te da se na pomenutim objektima vrši ulaganje u rekonstrukciju i adaptaciju prostora.

- Prema prijedlogu Jedinice za internu reviziju Univerziteta u Sarajevu neophodno je uskladiti knjigovodstvenu evidenciju Rektorata u dijelu koji se odnosi na prodane automobile i rashodovane tablete.

Sve naznačene preporuke Centralne popisne komisije Univerziteta u Sarajevu prihvaćene su od strane Upravnog odbora Univerziteta u Sarajevu, sa utvrđenom obavezom stručnim službama organizacionih jedinica/Univerziteta da postupe prema navedenim (onim organizacionim jedinicama za koje iz Izvještaja proizilaze obaveze).

Cijeneći navedeno, odlučio kao u dispozitivu ove odluke.



**PREDSJEDNIK  
UPRAVNOG ODBORA**

*Dr. sc. Murat Ramadanović*



Dostaviti:

- Vladi Kantona Sarajevo putem Ministarstva za nauku, visoko obrazovanje i mlade KS
- Centralnoj popisnoj komisiji Univerziteta u Sarajevu
- Rektoratu Univerziteta u Sarajevu
- ⑤ Predsjedniku i članovima Upravnog odbora Univerziteta u Sarajevu
- Internom revizoru
- Izvršnom direktoru
- Generalnom sekretaru
- Službi za računovodstvo i finansije Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

---

**Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina**  
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>  
email: [javnost@unsa.ba](mailto:javnost@unsa.ba)

**-UPRAVNI ODBOR-**

Broj: 02-25-3/21

Sarajevo, 28. 07. 2021. godine

Na osnovu člana 129. Zakona o visokom obrazovanju („Službene novine Kantona Sarajevo“, br. 33/17, 35/20 i 40/20), a u skladu sa odredbama člana 117. Zakona o radu („Službene novine Federacije BiH“, broj 26/16 i 89/18) i odredbama Pravilnika o podnošenju prijave za upis i promjene upisa u jedinstveni sistem registracije, kontrole i naplate doprinosa („Službene novine Federacije BiH“, br. 73/09, 38/10, 77/10, 9/11, 1/13, 83/14, 1/15, 48/16, 25/17, 53/19), člana 55. Statuta Univerziteta u Sarajevu i člana 97. Jedinstvenog pravilnika o radu Univerziteta u Sarajevu, a u vezi sa Zaključkom Upravnog odbora Univerziteta u Sarajevu broj: 02-22-8/21 od 06. 07. 2021. godine, Uputama rektora Univerziteta u Sarajevu u vezi prenosa ugovora o radu zbog statusne promjene pripajanja broj: 0105-6952-2/21 od 13. 07. 2021. godine i Pregled Univerziteta u Sarajevu o dosadašnjim aktivnostima dekana/direktora organizacionih jedinica Univerziteta u Sarajevu (poslodavca prethodnika) u vezi sa pravima i obavezama iz radnog odnosa od 27. 07. 2021. godine, člana 36. stav (1) Poslovnika o radu Upravnog odbora Univerziteta u Sarajevu, oslonom na Rješenje Općinskog suda u Sarajevu o izmjenama podataka broj: 065-0-Reg-19-002234 od 01. 07. 2021. godine, Upravni odbor Univerziteta u Sarajevu je, na svojoj 48. elektronskoj sjednici, održanoj dana 28. 07. 2021. godine *donio*

**ODLUKU**

**o obaveznim radnjama dekana/direktora organizacionih jedinica  
Univerziteta u Sarajevu (poslodavca prethodnika) u vezi sa pravima i obavezama iz  
radnog odnosa radnika čiji se ugovori o radu prenose na Univerzitet u Sarajevu**

**I**

Obavezuju se dekani/direktori organizacionih jedinica Univerziteta u Sarajevu u svojstvu poslodavca pravnog prethodnika koji nisu dostavili neophodne akte u vezi s pravima i obavezama iz radnog odnosa nakon sudske preregistracije do 27. 07. 2021. godine na poduzimanje svih neophodnih radnji, u cilju okončanja procesa prenošenja ugovora o radu radnika na poslodavca pravnog sljednika Univerziteta u Sarajevu.

**II**

Radnje iz tačke I ove odluke se vezuju za pravovremeno izvršenje obaveza od strane poslodavca pravnog prethodnika.

### III

Poslodavac pravni prethodnik dužan je o promjenama koje za posljedicu imaju prenošenje ugovora o radu na poslodavca pravnog sljednika Univerzitet u Sarajevu pisanim putem obavijestiti radnike čiji se ugovori o radu prenose o datumu prenošenja ugovora o radu, razlozima za prenošenje ugovora o radu, te pravnim posljedicama na njihov radnopravni status, te dobiti njihovu pisanu saglasnost.

### IV

Poslodavac pravni prethodnik dužan je uz koordinaciju sa poslodavcem pravnim sljednikom Univerzitetom izvršiti odjavu i prijavu radnika na obavezno osiguranje, u skladu sa relevantnim propisima kojima se uređuje ta oblast.

### V

Prijava i odjava osiguranja radnika vrši se nakon ispunjavanja uvjeta u postupku pred nadležnom ispostavom Porezne uprave FBiH, koji podrazumijeva uspostavljanje novog identifikacionog broja organizacione jedinice kao podružnice Univerziteta i gašenje dosadašnjeg broja prema kojem je djelovala organizaciona jedinica prije statusne promjene.

### VI

Odjava i prijava osiguranja radnika u ovom procesu podrazumijeva primjenu načela *ex tunc (unatrag)* s obzirom da se obaveza poslodavca pravnog prethodnika veže za radnje nakon donošenja Rješenja o izmjenama podataka Općinskog suda u Sarajevu od 01. 07. 2021. godine odnosno počevši od dana saznanja o istim.

### VII

Prenos ugovora o radu na Univerzitet obavlja se na osnovu **ugovora o prenosu ugovora o radu**, što je ugovorni odnos između poslodavca pravnog prethodnika (dekana/direktora organizacione jedinice) sa jedne strane i poslodavca pravnog sljednika (rektora Univerziteta) sa druge strane, sa datumom prije nastale statusne promjene. Uz ugovor se obavezno dostavlja spisak svih ugovora o radu koji se prenose na Univerzitet i pisane saglasnosti radnika.

### VIII

U cilju očuvanja svih stečenih prava i obaveza iz radnog odnosa radnika organizacionih jedinica čiji se ugovori o radu prenose na Univerzitet, a koja se naročito odnose na **pravo na plaću i obavezno osiguranje**, obavezuju se dekani/direktori organizacionih jedinica **da bez odlaganja** izvrše sve neophodne radnje utvrđene ovom odlukom.

### IX

Radnje iz tačke VIII ove odluke zahtijevaju **hitnost u postupanju** i predstavljaju preduvjet za pravovremeni obračun plaće za mjesec juli 2021. godine za radnike organizacionih jedinica Univerziteta u Sarajevu.

### X

Ova odluka stupa na snagu danom donošenja i objavljuje se na internetskoj stanici Univerziteta u Sarajevu.

## XI

Ovlaštena lica organizacionih jedinica upisana u Sudski registar kod nadležnog suda u Sarajevu su obavezna na primjenu ove odluke i drugih akata donesenih od strane tijela Univerziteta u Sarajevu kojim se regulira ova oblast.



**PREDSJEDNIK  
UPRAVNOG ODBORA**

*Dr sc. Murat Ramadanović*



Dostaviti:

- Organizacione jedinice Univerziteta u Sarajevu
- Ministarstvo za nauku, visoko obrazovanje i mlade KS
- Ministarstvo finansija KS
- Predsjedniku i članovima UO
- Pomoćni operativni centar za visoko obrazovanje UNSA
- Služba za HR UNSA
- Služba za opće poslove UNSA
- U dokumentaciju UO
- Generalnom sekretaru
- Izvršni direktor
- a/a